

# TLHABOLLO EA BOLISA

## Lenane-Thuto

Notes

—

### THUTO EA #1:

- I. Selelekela sa thuto.
- II. Lintlha le lithuto tsa Tlhabollo.

### THUTO EA #2:

- III. Ts'ebeliso ea Lithuto le lintlha tsa Tlhabollo:
  - A. Litsebo tsa Tlhabollo.

### THUTO EA #3:

- III. Ts'ebeliso ea Lithuto le lintlha tsa Tlhabollo:(nts'etso-pele.)
  - B. Lisebelisoa tsa Tlhabollo.
- IV. Ho hlabolla ka katleho:
  - A. Libopeho tse etsang hore Bahlabolli ba atlehe tlhabollong.
  - B. Ho elelloa botebo ba ho se Ts'oarele.

### THUTO EA #4:

- IV. Ho hlabolla ka katleho:(nts'etso-pele.)
  - C. Litsela tse Robeli tsa ho fumana Litholoana tse Betere, tse Potlakileng tsa Tlhabollo.
  - D. Chalimo ea Bibe le ka Tlhabollo.
- V. Qetello:
  - A. Mathata a khethehileng a Tlhabollo.

### THUTO EA #5:

- V. Qetello:(nts'etso-pele.)
  - A. Mathata a Khethehileng a Tlhabollo:(nts'etso-pele.)
  - B. Mesebetsi ea Tlhabollo.  
Tlhabollo.

# TLHABOLLO EA BOLISA

## Notes

### Tlhahlobo

Thuto ena e ke ke ea ba le tlhahlobo joaloka tse ling. Ka nako ea tlhahlobo, baithuti ba tla nka nako ea ho araba o mong oa “Mesebetsi ea Tlhabollo” e qetellong ea thuto ena. (maq. 213, 214).

Tichere e tla sebelisa e ngoe ea maemo a tlhabollo ho etellapele puisano qetellong ea thuto ena. E be halofo ea hora e qetellang, baithuti ba e sebelisa ho araba o mong oa mesebetsi e fanoeng. Moithuti o lokela ho bala le ho itokisetsa mesebetsi eo e le ‘meli.

# TLHABOLLO EA BOLISA

## I. Selelekela.

Notes

### Motheo oa Mangolo:

Johanne 10:3-5, “Molebeli oa monyako o ee a ‘mulele, ‘me linku li utloe lentose la hae, ‘me a bitse linku tsa hae ka mabitso a tsona, a li ise kante. E re hobane a nts’e linku tsa hae, a li etellepele, ‘me linku li molatele hobane li tseba lentsoe la hae. Osele li ke ke tsa molatela, empa li ka ‘malehela kahobane li sa tsebe lentsoe la hae.

### A. Motheo oa Tlhabollo ea Bolisa.

1. Jesu, Molisa ea Molemo, o bitsa linku tsa Hae ka mabitso.
2. Linku li ea molatela hobane li tseba lentsoe la Hae.
3. Mona re bona kamano e matla eo molisa a nang le eona le linku tsa hae. Molisa(moruti), joaloka ha e le moalosi, le eena o na le kamano ea mofuta oona.
4. Ena ke ntlha ea motheo boithutong ba Tlhabollo ea Bolisa.
  - a. Linku li ke ke tsa latela osele (li ke ke tsa amohela tlhabollo ea hae).
  - b. Kahoo, Molisa eo e leng mohlabolli ea hantle, (ea mafolofolo), ke moruti/molisa ea tsebang batho ba hae, ea bileng a lumellang batho ba hae ho motseba.

### Ntlha ea Puisano

O le moetapele, ebile o le molisa, na u ikemiselitse hore batho ba hau ba u tsebe hantle?  
Na u ikemiselitse ho ba le nako ea ho tseba batho?

# TLHABOLLO EA BOLISA

Notes —

## **B. Kutloisiso ea bohlokoa, e hlokehang: Ke mang ea Nang le Boikarabello?**

1. Hona le phapano pakeng tsa ts'usumetso, khothatso le boikarabello.
  - a. Molisa a ka fana ka keletso le khothatso.
  - b. Leha ho le joalo, motho ea hlabolloang, ke eena ea nang le boikarabello ka bophelo ba hae.
2. Ka mantsoe a mang, molisa o lokela ho hopola hore ke motho ea hlabolloang ea lokelang ho ba le thahasello le boikemisetso ba ho fetoha.

### **Beha Mohlala oa Hau**

## **C. Mefuta ea Tlhabollo.**

1. Lelapa.
2. Lenyalo.
3. Nakoana pele ho Lenyalo.
4. Licheleteng.
5. Tlhabollo khahlanong le maikutlo a ho ipolaea.
6. Maemo a bohloko/tlhekefetso.
7. Tsietsing.
8. Boemong bo khethehileng ba bophelo (mohlala: batsoali ba bacha).
9. Ho fokola boits'oarong.
10. Ho sitoa ho khoa ketsong e itseng (ts'ebeliso ea lithethefatsi, botaoa, phonokrafing etc.).

# TLHABOLLO EA BOLISA

## D. Boloka Libuka tsa Maemo a Tlhabollo.

Notes

1. Boloka Libuka malebana le boemo ka bong ba tlhabollo.
2. U ka sheba maemong a pele bakeng sa ho ithusa ho sebetsana le boemo ba joalo.
  - a. Ho batla ho le bobebe ho hlabolla banyalani ha ba le ‘moho (tlhabollo pele ho lenyalo) ha o kile oa e etsa pejana le banyalani ba bang. Hoo ho u thusa ka boitsebelo boemong boo.
  - b. Ho boetse ho bobebe ha o na le buka ea metsotso e bonts’ang moo o kileng oa thusa banyalani ba bang.

**Kenya Mohlala oa Hau**

## II. Lintlha le lithuto tsa Tlhabollo.

### A. Tlhakisiso.

1. Bosebeletsing bo akaretsang, ke ‘nete hore thuto-Molimo e tlameha ho etsa motheo oa ts’ebetso.
2. Ka tsela e ts’oanang, tlhabollong, ke ‘nete hore lintlha le lithuto tse akaretsang tsa tlhabollo, li etsa motheo bakeng sa ts’ebetso le ts’ebeliso ea tlhabollo.


### B. Thuto/ntlha ea Mathomo.

**Ntlha ea Puisano**

Sets’oants’o se latelang ke pokello ea mofuta ho tsoa ho Joe Kloba le William Kirwan.<sup>1</sup> e shebe, o nto bua ka eona bakeng sa ho utloisisa Ntlha le Thuto ea Tlhabollo.

# TLHABOLLO EA BOLISA

Notes —



# TLHABOLLO EA BOLISA

## III. Ts'ebeliso ea Tlhabollo.

Notes

—

### A. Litsebo tsa Tlhabollo.

1. Tsebo le Bokhoni ba Ho-Mamela.
  - a. Leha batho ba bangata ba sa khone ho mamela hantle, 90% ea mekhoha ea puisano e kenyeletsa mefuta e fapakaneng ea ho mamela.
    - 1) Ho mamela mooko-tabla.
    - 2) Ho mamela bakeng sa tlhakisiso.
    - 3) Ho mamela bakeng sa boikutlo.
    - 4) Ho mamela molumo oa lentsoe.
    - 5) Ho mamela bakeng sa liponts'o tsa khutso.
      - a) 'mele.
      - b) Ts'ebeliso ea litho tsa 'mele ho bua.
      - c) khohlano.
  - b. Re khona ho utloa makhetlo a mahlano pele re ka khona ho bua.
    - 1) Motho a ka ba le bokhoni ba ho bua mantsoe a 120 ka motsotso.
    - 2) Re na le bokhoni ba ho utloa mantsoe a 600 ka motsotso.
  - c. Kahoo, potso ke hore: u etsang ka nako ee e ngoe ea ho mamela?
    - 1) Batho ba bangata ba inahanela lintho tse ling ka nako eo.
    - 2) Batho ba bangata ba nahana tsela eo ba tla araba ka eona (hona ho fokotsa bokhoni ba ho mamela).

# TLHABOLLO EA BOLISA

## Notes

- 3) Batho ba bang, ba na le bokhoni ba ho mamela. Ke bamameli ba hloahloa.
  - a) Ba nka nako e ngoe ea ho mamela ho sheba liponts'o tse ling tsa puo ea boikhutso (ts'ebeliso ea litho tsa 'mele, mokhoa oa ho lula, etc.).
  - b) Ba boetse ba mamela ho tsoa ha lentsoe le molumo oa lona.
  - c) Hape, ba leka ho ela liponts'o tsa semoea.
- d. Molisa ea batlang ho ba mohlabolli ea hloahloa, oo lokela ho ba momameli ea hloahloa. (sheba Pes 34:15-18; Pes 34:15-18; Pes 116:1, 2; le Li-Prov 18:13,15).

### Mosebetsi oa Baithuti:

Lulisa baithuti ka bobeli. Moithuti e mong ha a bue ka bothata ba hae.

E mong a ithute ho mamela. A shebe liponts'o tsa mantsoe, tsa boikhutso, tsa semoea tse tla thusa le ho tlatsetsa kutloisisong ea se buuoang.

E be le fetola libaka. Ha le qetile ts'ebetso ena ea batho ba babeli, buang ka tseo momameli a ithutileng ka ho mamela.

2. Tsebo le bokhoni ba ho botsa lipotso.
  - a. Ena ke e ngoe ea litsebo tse babatsehang eo mohlabolli a lokelang ho ba le eona.
  - b. Hona le mefuta e mehlano ea lipotso, e hahiloeng mekhahlelong e meraro, tse lokelang ho sebelisoa tlabollong ea bolisa.



# TLHABOLLO EA BOLISA

## Ntlha ea Puisano

Notes

Qoqang ka sets'oants'o se ka tlaase se bonts'ang mefuta e mehlano ea lipotso, tse behiloeng tlasa mekhahlelo e meraro.


### Mosebetsi oa Baithuti:

Baithuti ba lule ka bobeli. E mong e be Molisa.

Moithuti e mong a hlahise boemo, a kope tllhabollo bakeng sa bothata boo a nang le bona le molekane oa hae.

Molisa a botse lipotso tse peli kapa tse tharo mefuteng ka ngoe ho e mehlano ea lipotso e hlalositsoeng ka holimo.

Ba fetole libaka. Kamor'a moo, ithute tseo o ithutileng tsona ka ketsahalo eo.

# TLHABOLLO EA BOLISA

## Notes

### 3. Ho toba.

- a. Kamehla qala ho toba ka polelo e fang motho kholiseho:
  - 1) Kea utloisisa.
  - 2) Ke elelloa maemo oohle.
  - 3) Ke etse maemo oohle hloko.
- b. Kamehla sebelisa mangolo ha o toba motho (2 Tim 3:16).
- c. Tiea. Otloloha. Toba. Ha nako e fihla ea ho toba le ho qholotsa motho, ha ho thuse ho akaretsa litaba. Hoo ke hore beha litaba ka mokhoa o otlohileng.
- d. Khothatsa le ho lumella likarabelo.

#### **Mosebetsi oa Baithuti:**

Pheta mosebetsi oa ho botsoa ha lipotso. Etsa boemo boo motho a tla hloka ho tojoa. Motho ea botsang lipotso o lokela ho toba. Kamor'a moo, arolelanang tseo le ithutileng tsona ketsahalang eo.

#### **Ntlha ea Puisano**

Buisanang ka lipotso kapa maikutlo a mang a ka hlahang malebana le bokhoni ba ho mamela, ho botsa lipotso, le ho toba pele o ea karolong e latelang.

# TLHABOLLO EA BOLISA

## B. Lisebelisoa tsa tlhabollo.

1. Mosebetsi. (ho fana ka mosebetsi oa lehae bakeng sa motho ea hlabolloang).
  - a. bala Jn 9:7.
  - b. Qholotsa motho ea hlabolloang ho etsa ho hong ho ithusa le ho netefatsa takatso ea hae ea ho batla ho thusoa (mofe boikarabello).
  - c. Batho ba bang ba batla ho thusoa empa ha ba na thahasello ea ho nka likhato tsa ho ithusa. Ba re ba batla ho fetoha empa ha ba bonts'e ka liketso tsa bona. Ho fa batho ba hlabolloang mosebetsi, ho tla ba thusa hore ba nke likhato tse nepahetseng ho rarolla mathata a bona.
  - d. Lintlha tse lokelang ho hopoloa:
    - 1) Sebetsa ka ho ts'oana kamehla. Fana ka mosebetsi ea lehae kamor'a kopano e ngoe le ngoe.
    - 2) Se ke be oa tsoela pele ka kopano e ngoe pele o fumana mosebetsi oa nako e fetileng o phethiloe. Ka mokhoa o bonolo, e re: re tla ema ho fihlela o entse mosebetsi oo.
    - 3) Mosebetsi oa pele o lokela o be bobebe.
    - 4) Mosebetsi oo o lokela o hlake, o otlolohe. Ho lokela ho be bobebe ho o hlahloba. Mosebetsi o ngotsoeng, kamehla o sebetsa hantle.
    - 5) Mosebetsi oo o lokela ho fa motho eo ts'epo ea ho fetoha. Mohlala, haeba motho eo a na le bothata ba bohloa, u ka mofa mosebetsi oa hore a ke a bale Mangolo a itseng a moqholotsang le ho mokhothatsa.

**Beha mohlala oa hau**

Notes

# TLHABOLLO EA BOLISA

## Notes

### 2. BibeLe.

- a. BibeLe e lokela e be sesebelisoa sa bohlokoa-hlokoa sa tllhabollo bakeng sa Mohlabolli (Molisa) (sheba II Tim3:16).
- b. Ho ka thusana haholo ho sebelisa BibeLe e nang le lethathamo le bonts'ang litemana tse malebana le lentsoe le itseng (concordance) le lethathamo la lihlooho tse itseng.
- c. BibeLe e ka sebelisoa ho:
  - 1) Toba.
  - 2) Ruta.
  - 3) Khalema.
  - 4) Hlaola.
  - 5) Laola le ho isa botleng.
  - 6) Ho nchafatsa kelello.
  - 7) Fetola libopeho le litloaelo.
  - 8) Thuisa.
  - 9) Khothatsa le ho ts'elisa.

**Beha Mohlala oa Hau**

# TLHABOLLO EA BOLISA

## 3. Moea o Halalelang.

- a. Bala Jn16:13-15.
- b. E ba le tebello ea hore Moea o Halalelang o tla u fa ts'enoelo, kutloisiso le tlhalohanyo e nepahetseng.
- c. Rapella hore lineo tsa Moea li bonahatsoe (pholiso, lentsoe la bohlae, lentsoe la tsebo, jj.).
- d. Kopa Moea o Halalelang hore a o fe mojarro o moholo bakeng sa motho eo.
- e. Hopola hore Moea o Halalelang ke “Mohlabolli” (Jn16:7; Es 9:6).

**Beha Mohlala oa Hau**

## 4. thapelo.

- a. Rapela le motho eo (Math 18:19; Jak 5:16).
- b. Rapella motho eo (1 Sam 7:5-11).

Notes

—

# TLHABOLLO EA BOLISA

## Notes

5. Ho fetisa (romela motho eo ho mohlabolli e mong).

- a. Ka nako e ngoe o ka 'na sitoa ho hlabolla boemo bo itseng. Maamong a joalo, bohlale ke hore o fetisetse motho eo mohlabolling e mong a ka khonang ho hlabolla boamong bo joalo.
- b. Mohlala:
  - 1) Boemo bo boima ba nama kapa ba kelello.
  - 2) Boemo bo itseng boo uena o se nang boitsebelo ba bona. U ka tseba mohlabolli e mong ea nang le tsebo ea bothata bo joalo, kapa ea kileng a feta ho bona.
  - 3) Boemo boo monna a lokelang ho hlabolla mosali, kapa mosali a lokelang ho hlabolla monna.

**Beha Mohlala oa hau**

**Ntlha ea Puisano**

Buisanang ka lipotso kapa maikutlo a mang a ka hlahang malebana le lisebelisoa tsa mesebetsi ea lehae, Bibe, Moea o Halalelang, Thapelo le ho Fetisa.

# TLHABOLLO EA BOLISA

## IV. Ho hlabolla ka katleho.

Notes

—

### A. Libopeho tse etsang hore Bahlabolli ba atlehe tllhabollong. (Boithuto ba Liprovebia).

1. Bophelo bo hloekileng (Lipr 4:18,19).
2. Ho boloka le ho se fafatse litaba tsa bahlabolluoa (Lipr 11:13).
3. Nako le mantsoe a matle (Lipro 15:22, 23,28).
4. Bokhoni bo bottle ba ho mamela (Lipro 18:13,15).
5. Tlhalohanyo e ntle (Lipro 18:17).
6. Kutloisiso (Lipro 20:5).
7. Ho bua 'nete kamehla (Lipro 24:24-26).
8. Thahasello le lerato la 'nete (Lipro 27:9).

### Ntlha ea Puisano

Na u ikemiselitse ho batla le ho ntlafatsa libopeho tsee bakeng sa hore o be mohlabolli ea hloahloa? Lumella nako ea thapelo, kopa Molimo ho sebetsana le libopeho tsena ho baithuti.

### B. Malebana le Mohloli oa ho se Ts'oarele.

1. Litla-morao tsa ho se ts'oarele likotsi haholo. Ho latela Math 6:14, 15, "Ha le ts'oarela batho liphoso tsa bona le lona Ntat'a lona ea Maholimong o tla le ts'oarela. Athe ha le sa ts'oarele batho, Ntat'a lona le eena a ke ke a le ts'oarela liphoso tsa lona."
2. Ho se ts'oarele motho e mong, ke oona mohloli oa mathata a mangata. Hangata, mats'oao/liponts'o tsa bothata li bonahala ha bobebe, empa mohloli oa 'ona a patehile. Mohloli o tloaelehileng ke ho se ts'oarele.

# TLHABOLLO EA BOLISA

Notes

## Ntlha ea Puisano

ithute Sets'oants'o sena o se sebelise ho akofisa puisano le kamahanyo.

**HO SE \_\_\_\_\_** ho its'ena;pelo e bohloko \_\_\_\_ lehloeo;ho nyatsa  
**TS'OARELE**

Ho se utloane;ho hloka kutloelo-bohloko \_\_\_\_ Borabele

Hlokomela: mohloli oa mats'oao ana kaofela ke ho se ts'oarele. Boemo ba ho qetela, (ho hloka kutloelo-bohloko) ke bo thata haholo ho fumanela thuso. Ho lokela ho chekoe ka botebo bo boholo. Motho eo o lokela ho qholotsoa ho ts'oarella

### C. Litsela tse Robeli tsa ho fumana Litholoana tse Betere, tse Potlakileng tsa Tlhabollo<sup>3</sup>.

1. Qoba ho hlabolla nakong eo motho a ferekaneng kapa ho farasa maikutlong haholo. Hona ke nako ea ho mamela le ho ts'elisa (Lipro 25:20).
2. Kopa kakaretso (polelo kapa tse peli) ea bothata (Lipro 18:17; 21:2). Ka tsela eo, u ka qoba lintlha ka bophara.
3. Sheba bonnete ba mehloli e meraro ea mathata (Bah12:15-17):
  - a. Pelo e bohloko (ho se ts'oarele).
  - b. Meharo.
  - c. Ho se hloeke boits'oarong.
4. Beha qholotso ka potso e seng polelo e otlolohileng (Liprov15:1):
  - a. E re, "u ne o sa bue 'nete?'"
  - b. Se ke oa re, "o ne o bua leshano."



# TLHABOLLO EA BOLISA

5. Sheba maemo a mabeli a bothata (Lipro13:18):

- a. Ho bonahalang—hona ke bothata bo hlaheletseng.
- b. Mohloli—hona ke bothata bo tebileng bo bileng bo tlontlolang. Mohlabolluo a o tla hlahloba karabelo ea mohlabolli bothateng bo hlaheletseng. Haeba a khahloa ke karabelo ea mohlabolli, a utloa a na le ts'epo le maikutlo a matle, o tla lumella mohlabolli ho shebana le bothata bo tebileng. Mohlabolli ea nang le tsebo o tla mamela ka hloko, 'me ka nako e nepahetseng o tla botsa: ka holimo ho tsee tsohle, na u na le mathata a mang?

6. A ku nke motho ea tllileng ka bothata e le eena senotlolo sa tharollo ea bothata boo. (Bar 2:1-3; le Luk1 2:13-15).

7. Beha linako tsa kopano ho ena le ho fana ka tlhabollo hang (Lipro 20:5). Haeba bothata bo sa teba kapa e le ntho e bonahalang, bo tla 'ne bo be le nako ea tharollo.

8. Tlhokomelo e kholo e lokela ho akofa e le ho qoba liqoso tsa makhotla mahareng a Bakreste. Bohlale ba Molimo le pelo ea poelanyo li ea hloka hahala ho uena o le mohlabolli (I Bakr 6:1-10).

Notes

—

## D. Chalimo ea Bibe le ka Tlhabollo.

1. Re ipapisitse le Testamente ea Khale, tlhabollo ke eng?(sheba Deutr11:18,19; Liprov 15:22; Pes 64:2; Lipro 1:5; le Lipro 12:20).

2. Melemo ea tlhabollo ke e fe?

a. Ho thusana le ho tlosa pherekano (Lipro 12:18,25).

b. Ho fana ka ts'ireletseho le khotsofalo (Lipro11:14).

c. Ho thusana meralong (Lipro 16:9; 19:21; 20:18).

d. Ho thusana ka bohlale (Liprov 12:5, 15; 13:10; 19:20).

# TLHABOLLO EA BOLISA

Notes

—

3. Ke mofuta o fe oa batho ba ke keng ba amohela melemo ea Tlhabollo?
  - a. Ba hanang ‘nete (Lipro10:17).
  - b. Ba batlang ho pepesa se kahare feela, ke hore ba ratang hore e besale ba bua (Lipro18:2).
  - c. Ba bohale ba bileng ba sa batleng ho fetoha (Prov19:19).
  - d. Ba nyefolang ‘nete (Lipro 23:9).
  - e. Ba lekang ho qoba pherekano ka ho ts’eha, kapa ho halefa (Lipro 29:9).
  - f. Ba sa batleng ho arabela bothata kapa taba (Lipro 29:19).
4. **Hopola:**re na le mohlabolli a lulang a le teng kamehla (Esa 9:6).

## Ntlha ea Puisano

Buisanang ka lipotso kapa maikutlo a mang a ka hlahang malebana le moelelo, melemo le lits’ita tsa tlhabollo.

# TLHABOLLO EA BOLISA

## V. Qetello.

Notes

—

### A. Ho hlabolla maemo a khethehileng.

1. Ho hlabolla tahlehelo le bofifi.
  - a. Ho lla ke tsela ea tlholeho ea ho fola maemong a tahlehelo (mohlala, ho llela lefu la molekane). Ke boemo bo tsoellang-pele boo motho a lokelang ho feta ho bona. Ho a matlafatsa ha motho a bonts'a boikutlo bo tebileng. Mohlabolli a ka thusa motho eo ho feta boemong bona.
  - b. Mekhahlelo ho lleng.

#### Ntlha ea Puisano

Shebang le be le buisane ka sets'oants'o sena.

MOKHAHLELO	BOIKUTLO LE LIKHATO
Ketsahalo ea khohlano — tahlehelo Ho lakatsa se lahlehileng Ho fokolloa ke mokhoa oa tlhophiso; ho khathala matla Boithopho hape; ho koala sekheo	Tatolo; pherekano; ho fokola ho koata; bohloko; ho ikutloa molato ho ingoeloa; ho se tsebe hantle se ka etsoang Pholiso; lerato lea bonts'oa ho ba bang

- c. Tlhabollo e arabela lillo.
  - 1) Hopola hore bofifi le lillo li ka ba teng ha lilemo tse 'maloa..
  - 2) Mamela le ha motho a ka pheta taba ea hae makhetlo-khetlo. Tsela e ntlehali ea ho hlabolla motho ea llang ke ho thola, e be o mametse ka hloko.
  - 3) Lumella motho ho bonts'a maikutlo a hae kamoo a leng ka teng, ekaba ho koata kapa ho ikutloa molato (leha e ba mohlomong e se karabelo e ntle ka chalimo ea hau). Ke karolo ea ketsahalo e tsoellang-pele. Mohlabolluo o lokela ho bonts'a le ho hlahisa maikutlo a hae kamoo a leng ka teng, e le tsela ea ho nts'a bohloko le ho theola pherekano le matla a eona.

# TLHABOLLO EA BOLISA

## Notes

—

4) Sebelisa boemo ho bua ka lintho tsa semoea. Batho ba bangata ba bulehela ho bua ka Molimo nakong eo ba kopaneng le tahlehelo e ke keng ea fetoloa. (joaloka lefu, tahlehelo ea mosebetsi, teleko, jj.).

5) Se khothaletse motho ho etsa liqeto tse kholo le liphetoho bophelong ba hae haholo nakong ea selemo sa pele sa bofifi kapa sa ho lla.

### d. Litlhokomeliso.

1) Se ke be oa re: “Se ka lla.” Fa motho eo bolokolohi ba ho lla. Lla le motho eo.

2) Se ts’oenyehe ho hang haeba o bona motho eo a sa khone ho its’oara hang kamor’a lefu kapa tahlehelo e itseng. Mots’elise, o mosireletse.

3) Lumella le ho thusa bana ho feta nako ea lillo. Ho kotsi haholo ho lumella ngoana ho hana le ho latola lefu, kapa ho leka ho moetsetsa mohopolo o itseng o tlosang hoo e leng ‘nete.

### e. Keletso e akaretsang.

1) Qalong, ho feta lintho tsohle, mohlabolli o lokela ho thusana ka ho ba teng le ho mamela ka hloko.

2) Qetellong, (kamor’a hore nako e fete), ka holimo ho tsohle, mohlabolli a ka thusana ka ho fana ka kutloisiso ea semoea ea tahlehelo. Mohlabolli a ka ba a sebelisa boemo boo ho qholotsa motho eo ho hola moeeng.

## 2. Ho hlabolla boemo ba tsietsi.

### a. Tsela tse mpe tsa ho toba tsietsi.

1) Ho hana hore bothata bo teng, kapa tsietsi e etsahetse.

2) Ho qoba bothata.

3) Ho hana thuso.

4) Ho pata maikutlo le ho ikhakanya, etc.

# TLHABOLLO EA BOLISA

- 5) ho se nahane ka tsietsi. Ho leka ho e lebala.
- 6) Ho hana ho sheba le ho ela litharollo tse ka thusanang hloko.
- 7) Ho ikoahlaea ka ba bang, le ho ba emela hore ba fane ka thuso.
- 8) Ho qoba metsoalle le batsoali.
- 9) Ho ikholisa hore tsietsi ke kotlo ea Molimo.

b. Litsela tse ntle tsa ho toba tsietsi.

- 1) Ho ananela hore hona le bothata.
- 2) Ho leka ho utloisisa boemo ka mokhoa o betere.
- 3) Ho amohela thuso ho tsoa ho batsoali, metsoalle, etc.
- 4) Ho ananela maikutlo a kahare, ho koata, boikutlo molato, jj.  
Ho leka ho a kokobetsa.
- 5) Ho etsa tlhalohanyo ea se ka fetoloang le se ke keng sa fetoloa.  
Ho ananela se ke keng sa fetoloa.
- 6) Ho fumana litharollo tse ka thusanang. Ho nka likhato tsa ho fumana litharollo.
- 7) Ho amohela boikarabello ba hau bakeng sa bothata.
- 8) Ho ba haufi le lelapa le metsoalle.
- 9) Ho rapela le ho tsepamisa maikutlo boholong ba Molimo.

Notes

—

# TLHABOLLO EA BOLISA

## Notes

### 3. Tlhabollo ea Lenyalo.

- a. Hangata, tlhalo, ke sehlahisoa sa ho fokola ha puisano kahar'a lelapa.
  - b. Lintlha tsena li fana ka tataiso bakeng sa puisano lenyalong. Mohlabolli a ka sebelisa lintlha tsena ho khothaletsa, ho qholotsa, kapa ho khalema mokhoa oa puisano ea banyalani. Ntlha ka ngoe mona e ka ba motheo oa mosebetsi oa lehae bakeng sa bahlabolluo.
- 1) Litemana tse akaretsang. (bala Lipro 18:21; 25:11; Job 19:2; Jak 3:8-10; le 1 Petr 3:10).
  - 2) Banyalani ba lokela ho mamelana. Ho se be le karabelo ho fihlela ea buoang a qetile. (Lipro 18:13; Jak 1:19).
  - 3) Mantsoe a sebelisoang a lokela ho eloa-hloko. Nahana pele o bua. bua ka mokhoa oo e mong a ka utloisisang. (Lipro 15:23,28; 21:23; 29:20; Jak 1:19).
  - 4) Se sebelise ho thola ho fehla pherekano bakeng sa motho e mong. Itlhalose haeba o batla ho thola.
  - 5) Kamehla bua 'nete. E bue ka lerato. Se ke be oa eketsa letho. (Bae 4:15, 25; Bak 3:9).
  - 6) Se ke be oa etsa khang. Ho a khoneha ho se lumellane ho se khang (Lipro 17:14; 20:3; Bar 13:13; Bae 4:31).
  - 7) Se arabele ka khalefo. E ba bonolo. (Lipro 14:29; 15:1; 25:15; 29:11; Bae 4:26,31).
  - 8) Amohela ha o fositse, 'me o kope ts'oarelo (Jak 5:16).

# TLHABOLLO EA BOLISA

9) Ha motho e mong a kopa ts'oarelo ho uena, ts'oarela, moleballe, 'me o se hlole o bua ka eona (Lipro 17:9; Bae 4:32; Col 3:13; 1 Petr 4:8).

10) Se ingamangame le ho omana (Lipro 10:19; 17:9; 20:5).

11) Se nyefole. E ba mokhothatsi (Bar 14:3; Bag 6:1; 1 Bathes 5:11; Bar 12:17, 21; 1 Petr 2:23;3:9).

12) Leka ho utloisisa tlhahiso ea motho e mong. Bonts'a thahasello tlhahisong eo. (Baf 2:1-4; Bae 4:2).

Notes

—

## B. Mosebetsi oa Tlhabollo.

### Boemo ba #1:

Maria o lemo li 13. Ke setho sa kereke eo o leng Molisa ho eona. Haufinyane, nkhono oa hae o ile a hlokahala. O tlile ofisisng ea hau ho fumana tlhabollo. O re “E be ho shoa ke ntho e joang? Moea oa motho o ea kae?” mohlomong o botsa lipotso tse 12 tse batlang li ts'oana. Qetellong o re “Ha ke utloisise se etsahetseng ka nkhono oa ka. Lefu le nkutloisa bohloko. Empa ka nako e ts'oanang, le ea 'makatsa. Ka nako e ngoe ehlile ke ea le ts'aba. Na ke na le bothata?”

1. Ke thuso ea mofuta o fe eo Maria a e hlokanang?

2. Na u nahana hore u ntse a na le mathata a mang a tebileng a so kang a hlahella?

3. U ka leka ho etsa eng nakong ea kopano ea lona?

4. Ke mofuta o fe oa mosebetsi o tla mofa oona?

# TLHABOLLO EA BOLISA

Notes

—

## Boemo ba #2:

John le Betty ke banyalani ba kereke eo o e eteletseng-pele. Ba tla ho uena ho fumana tlhabollo. John o re Betty ha a sa morata. John o re “Ke leka ho etsa tsohle bakeng sa hae. ke sebetsa ka thata letsatsi ka leng, ‘me ‘na ke fumanang?” Betty o qala ho bua, “Kea thatafalloa, ho boima ho ‘na.” Hang e be John o mokena hanong ka khalefo, “ho thata ho lula ka tlung letsatsi lohle!” Puisano ea mofuta oona e tsoelapele ho fihlela Betty a lla.

1. U tla etsang nakong ee?
2. Na u lumela hore ho tla hlokahala hore o be le likopano tsa bona ka bo-mong?
3. Ba ka qala ho haha kamano e ntle joang?
4. U ka ba botsa lipotso tse mofuta o fe nakong ee?
5. Ke mosebetsi oa mofuta o fe o ka ba fang oona?



# TLHABOLLO EA BOLISA

## Qetello:

## Notes

<sup>1</sup>Class Notes, “Pastoral Counseling” course, Regent University, 1986. Likarolo tsa sets’oants’o li nkiloe pokellong ea Joe Kloba, eo e leng morupeli e moholo Junifesiting ea Regent. Likarolo tse ling tsa sets’oants’o li qotsitsoe mofuteng oa William Kirwan oa tlhabollo (Fig.23) in Biblical Concepts of Christian Counsel- ing (Baker,1983).

<sup>2</sup>e nkiloe thutong ea Dr. Joseph Umidi joalokaha e fanoe thutong ea “Tlhabollo ea Bolisa,” Junifesiting ea Regent, 1986. E sebelisoa ka tumello.

<sup>3</sup>e nkiloe thutong ea “Institute in Basic Youth Conflicts,” 1979.

# TLHABOLLO EA BOLISA

Notes

—